



DEPUTACIÓN PROVINCIAL
A CORUÑA



SERVIZO DE PATRIMONIO E CONTRATACIÓN

Número

4

/2025

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONSORCIO UNIVERSITARIO DO CENTRO ASOCIADO Á UNED DA CORUÑA POLO QUE SE INSTRUMENTA UNHA SUBVENCIÓN NOMINATIVA PARA O COFINANCIAMENTO DO PROGRAMA DE ACTIVIDADES DE EXTENSIÓN UNIVERSITARIA E DIVULGACIÓN CULTURAL DO ANO 2025.

Na Coruña, a 12 de xaneiro de 2026, na sede da Deputación Provincial da Coruña

Ante min, Paula María Vázquez Carrasco, Secretaria Xeral en funcións da Deputación Provincial da Coruña, como fedataria actuante

REUNIDOS

Dunha parte, Don Valentín González Formoso, Presidente da Excelentísima Deputación Provincial da Coruña

E doutra parte, Dona Ana Mónica Novo García, Directora do Consorcio Universitario do Centro Asociado á UNED da Coruña

Os comparecentes interveñen en uso das potestades que, por razón dos seus cargos, estanlles atribuídas

EXPOÑEN

Primeiro.- Que o Centro Asociado á UNED da Coruña foi creado, de acordo co disposto no Decreto 2310/1972, do 18 de agosto, mediante convenio asinado o 11 de febreiro de 1983, entre a UNED e a Consellería de Educación da Xunta de Galicia, así como os membros do Padroado naquel momento: Deputación Provincial da Coruña, Concello da Coruña, Concello de Culleredo, Concello de Betanzos e Banco de Bilbao.

Posteriormente, á vista do crecemento do Centro Asociado da Coruña, o 22 de outubro de 1996, foi asinado un novo convenio entre a UNED e os membros do Padroado: Deputación Provincial da Coruña, Concello da Coruña e Concello de Ferrol.

Segundo.- Que as disposicións recollidas na Lei 27/2013, de Racionalización e Sostibilidade da Administración Local, na Lei 15/2014, de Racionalización do Sector Público e na Lei 40/2015, de Réxime Xurídico do Sector Público, incidiron moi significativamente na Lei 7/1985, Reguladora das Bases de Réxime Local e no Real Decreto 1317/1995, sobre réxime de convenios da UNED cos Centros Asociados, no senso de facer inescusable a necesidade da constitución dun consorcio como figura xurídica que dera soporte legal ao Centro Asociado á UNED da Coruña.

O dito RD 1317/1995 establece no seu artigo 2.2.h) que “*Los centros asociados llevarán a cabo las actividades de educación permanente y **extensión universitaria** y los programas y actividades especiales que apruebe la Junta de Gobierno de la Universidad, procedentes de acuerdos con instituciones públicas.*”

Terceiro.- Que o Consorcio Universitario do Centro Asociado á UNED da Coruña recolle no art. 8 do seu obxecto "colaborar no desenvolvemento cultural da contorna". Neste senso o Consorcio, para o cumprimento dos seus fins, vén desenvolvendo unha oferta cultural aberta, multidisciplinar e que chega aos lugares máis recónditos da nosa xeografía.

Cuarto.- Que a Deputación da Coruña ten entre os seus obxectivos o fomento da educación e a programación e subvención das actividades culturais, artísticas e científicas, en colaboración con outras entidades e organismos, para contribuír de maneira sustentable ao avance do coñecemento e o benestar social.

Quinto.- Que a Deputación da Coruña vén colaborando co Consorcio Universitario do Centro Asociado á UNED da Coruña no financiamento das súas actividades culturais e científicas.

Sexto.- Que a Deputación da Coruña e o Consorcio Universitario do Centro Asociado á UNED da Coruña desexan formalizar a súa colaboración no ámbito da educación, a investigación, a transferencia do coñecemento, as actividades culturais, artísticas e científicas, nun novo convenio que favoreza o entendemento entre as partes e axilice os procesos.

En virtude do exposto, e dando cumprimento á vontade das entidades ás que respectivamente representan, os comparecentes outorgan neste acto o presente Convenio de Colaboración, e acordan formalizar o presente convenio que se rexe polas seguintes

CLÁUSULAS

I.- Obxecto.

O presente convenio ten por obxecto a fixación das bases de outorgamento dunha subvención nominativa por esta Deputación a prol do Consorcio Universitario do Centro Asociado á UNED da Coruña, CIF Q1500424E, fixando as condicións que se impoñen por esta administración concedente e os compromisos asumidos pola entidade beneficiaria para o financiamento parcial do **Programa de actividades de extensión universitaria e divulgación cultural do ano 2025**, que se relacionan no anexo como actividades previstas e poderán modificarse por causa xustificada.

II.- Orzamento de gastos da actividade a realizar pola entidade beneficiaria.

Os gastos obxecto do financiamento pola Deputación da Coruña son os seguintes, de acordo co Orzamento presentado polo Centro:

PERSOAL DE ADMINISTRACIÓN E SERVIZOS	444.600 €
GASTOS CORRENTES EN BENS E SERVIZOS	170.091 €
Compras material	29.000,00
Reparacións, mantemento e conservación	8.820,00
Material, Subministracións e outros	121.196,00
Gastos dietas e locomoción e indemnizacións por razón de servizo	11.075,00
TOTAL	614.691,00 €

Este orzamento correspóndese coas actividades que se achegan como anexo ao convenio.

III.- Financiamento provincial e outros ingresos que se obteñan ou acheguen para a mesma finalidade.

1.- A Deputación da Coruña contribuirá ao financiamento da actividade, tal como se define na cláusula primeira, cunha achega máxima de **100.000,00 €** o que representa unha porcentaxe do **16,26834 %** do orzamento total.

A cantidade restante, ata acadar o importe total do orzamento da actividade, está financiado con cargo a recursos, propios ou alleos, acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.

No caso de que o gasto xustificicado non acadase o importe total previsto na cláusula segunda, a Deputación só achegará o importe que represente o 16,26834 %, da cantidade efectivamente xustificada.

2.- Agora ben, se a cantidade xustificada resulta inferior ao 75% do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3.- O importe do financiamento provincial farase efectivo con cargo á aplicación orzamentaria 0612/3269/42390, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

4.- A subvención da Deputación é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

5.- No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

IV.- Contratación e execución.

1.- O outorgamento dos contratos de servizos, asistencia ou subministracións necesarias para a execución da actividade corresponderalle ao Consorcio Universitario do Centro Asociado á UNED da Coruña, asumindo, xa que logo, as conseguíntes responsabilidades.

Non se poderá contratar a realización de prestacións con persoas ou entidades vinculadas ao Consorcio Universitario do Centro Asociado á UNED da Coruña, nin con calquera outra na que conorra algunha das circunstancias ás que se refire o artigo 29.7 da Lei 38/2003, do 17 de novembro, xeral de subvencións.

2.- Se o importe dalgunha das prestacións supera 15.000 €, con carácter previo á contratación, o Consorcio Universitario do Centro Asociado á UNED da Coruña deberá solicitar polo menos tres orzamentos a distintos provedores; entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

V.- Publicidade do financiamento provincial.

1.- Na publicidade pola que se dea a coñecer a realización das actividades do Consorcio Universitario do Centro Asociado á UNED da Coruña, ben sexa por medios escritos, radiofónicos ou televisivos, audiovisuais ou internet, etc. deberase facer constar sempre o financiamento da Deputación Provincial da Coruña.

2.- Coa memoria e conta xustificativa achegaranse documentos que acrediten o cumprimento desta obriga do Consorcio Universitario do Centro Asociado á UNED da Coruña.

VI.- A xustificación necesaria para recibir a achega provincial.

A achega da Deputación seralle abonada ao Consorcio Universitario do Centro Asociado á UNED da Coruña unha vez asinado o convenio e logo que se presente de xeito telemático a través da plataforma subtel, a seguinte documentación:

* **Memoria de actuación**, subscrita polo representante legal do Consorcio Universitario do Centro Asociado á UNED da Coruña, xustificativa do cumprimento das condicións impostas neste convenio, coa indicación das actividades realizadas, dos beneficiarios e dos resultados obtidos.

* **Relación clasificada dos gastos** realizados (con IVE e sen IVE), no que se indiquen os acredores co seu NIF, os documentos xustificativos, os importes e, no seu caso, datas de pago; tamén se indicarán as desviacións con respecto ao orzamento detallado na cláusula segunda.

* **Certificación** da aprobación das facturas e demais documentos xustificativos polo órgano competente.

Os gastos e as correspondentes facturas referiranse exclusivamente ás actividades realizadas durante o ano 2025.

* **Relación** detallada das subvencións ou axudas obtidas doutras administracións públicas ou entidades privadas para o mesmo obxecto ou, pola contra, declaración de non telas.

* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

* **Acreditación** do cumprimento da obriga de facer constar a colaboración da Deputación en toda a información (impresa, informática ou audiovisual) que se teña feito das actividades subvencionadas, establecida na cláusula quinta.

VII. Termo para a realización da actividade e prazo de xustificación.

1.- As actividades que son obxecto de financiamento provincial, tal como están descritas na cláusula primeira, realizaranse entre o 1 de xaneiro e o 31 de decembro de 2025.

2.- Unha vez rematadas as actividades, o Consorcio Universitario do Centro Asociado á UNED da Coruña deberá presentar a xustificación documental á que se refire a cláusula sexta antes do **31 de marzo de 2026**.

3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a unidade xestora remitiralle un requirimento ao Consorcio Universitario do Centro Asociado á UNED da Coruña para que a presente no prazo improrrogable de quince días.

A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ao Consorcio Universitario do Centro Asociado á UNED da Coruña da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

4.- O aboamento da subvención materializarase mediante ingreso na conta da entidade financeira indicada polo Consorcio Universitario do Centro Asociado á UNED da Coruña.

VIII.- Acreditación do cumprimento das obrigas tributarias e coa Seguridade Social.

1.- O Consorcio Universitario do Centro Asociado á UNED da Coruña deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade

Autónoma e coa Seguridade Social; e para tal fin poderá autorizar á Deputación a que obteña telematicamente os correspondentes certificados.

2.- A acreditación do cumprimento das obrigas tributarias coa Deputación Provincial determinarase de oficio por esta.

IX.- Destino e manexo dos fondos recibidos.

1.- O Consorcio Universitario do Centro Asociado á UNED da Coruña destinará os fondos recibidos ao pagamento dos xustificantes de gasto presentados.

2.- Co fin de garantir un adecuado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor; só excepcionalmente se poderá realizar o pago en metálico para gastos de ata 150 €, nos que non resulte posíbel a utilización dun dos medios anteriormente indicados.

3.- Sen prexuízo dos libros e rexistros contables que as normas xerais ou sectoriais lle poidan impor, o Consorcio Universitario do Centro Asociado á UNED da Coruña deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificadas e aos ingresos declarados con respecto a esta subvención.

X.- Control financeiro da Deputación e dos órganos de control externo.

1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, o Consorcio Universitario do Centro Asociado á UNED da Coruña poderá ser escolleita pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

2.- Asemade, de acordo co previsto na Lei 6/1985, de 24 de xuño, do Consello de Contas de Galicia, o Consorcio Universitario do Centro Asociado á UNED da Coruña queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuízamento contable que poida incoar o Tribunal de Contas, e a calquera outro órgano de control, nacional ou europeo.

XI.- Reintegro, infraccións e sancións.

1.- O incumprimento dalgunha das cláusulas previstas no presente convenio de colaboración poderá dar lugar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio, na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3.- Para os supostos de atraso na realización das actividades ou atraso na presentación da xustificación se estará ao disposto na ordenanza provincial de desenvolvemento que resulte aplicable.

XII.- Incorporación ao rexistro público de subvencións e publicación da subvención concedida.

1.- En cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación do Consorcio Universitario do Centro Asociado á UNED da Coruña serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 3/2018, do 5 de decembro, de Protección de Datos Persoais e garantía dos dereitos dixitais.

2.- Asemade, en cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención ao Consorcio Universitario do Centro Asociado á UNED da Coruña será publicada no Boletín Oficial da Provincia da Coruña e na páxina web dacoruna.gal

4.- Un exemplar deste convenio, debidamente asinado, será incorporado ao rexistro de convenios que depende do Servizo de Patrimonio e Contratación da Deputación.

XIII.- Vixencia do convenio, prórroga ou modificación.

1.- O prazo de vixencia do presente convenio finalizará o **31 de maio de 2026** e terá efectos retroactivos, polo que as actividades contempladas nel poderán terse realizadas dende o 1 de xaneiro de 2025.

Esta vixencia queda subordinada á existencia do crédito adecuado e suficiente que para o Exercicio de 2026, autorice o correspondente Orzamento.

2.- Previa solicitude do Consorcio Universitario do Centro Asociado á UNED da Coruña, realizada polo menos un mes antes do fin da vixencia, o convenio poderá ser prorrogado por acordo expreso de ambas as dúas partes, e previos os informes preceptivos da Unidade Xestora, do Servizo de Patrimonio e Contratación, da Secretaría e da Intervención da Deputación.

3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

XIV.- Natureza, interpretación, modificación e xurisdición competente.

1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións, e na Lei 9/2007, de 13 de xuño, de subvencións de Galicia. Supletoriamente aplicarase a lexislación de contratos do sector público.

2.- A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, logo dos informes previos preceptivos da Unidade xestora, da Secretaría e da Intervención provincial.

3.- Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por acordo plenario do 28 de novembro de 2025.

E en proba de conformidade asinan por duplicado exemplar o presente convenio, no lugar e data indicados no encabezamento.

O PRESIDENTE DA
DEPUTACIÓN PROVINCIAL DA CORUÑA

A DIRECTORA DO CONSORCIO UNIVERSITARIO
DO CENTRO ASOCIADO Á UNED DA CORUÑA

Asdo. Valentín González Formoso

Asdo. Ana Mónica Novo García

A SECRETARIA XERAL EN FUNCÍONS
DA DEPUTACIÓN PROVINCIAL DA CORUÑA

Asdo. Paula María Vázquez Carrasco

ANEXO.- ACTIVIDADES INCLuíDAS NO ORZAMENTO DE GASTOS

Actividade

Introdución da vitivinicultura no noroeste da Península
Xestionando residuos de obra empoderando ás mulleres técnicas.
Microsoft access e bases de datos. Nivel básico.
Mediación no ámbito educativo
Martes da UNED. Albert Speer, o arquitecto de Hitler e as ruínas futuras
Recursos e ferramentas en liña para aprender inglés
Breve introdución á estética modal.
Fai da internet o teu aliado. Aprende a buscar información e a navegar con seguridade e eficiencia
Acompañar e transformar. Estratexias para apoiar a persoas con discapacidade funcional
Igualdade de xénero e empoderamento social.
A construción e as implicacións da cidadanía na Idade Media
Educación Igualitaria: Retos e oportunidades en centros educativos.
A arte de envellecer. Un enfoque integral baseado na evidencia para combater o edadismo.
Aproximación ao dano cerebral adquirido e a súa rehabilitación
Ferramentas tecnolóxicas, usos e limitacións: reflicten os corpus actuais a variación lingüística do español falado en Galicia?
Vantaxes e desvantaxes de aprender inglés a través das redes sociais e de aplicacións en liña.
Martes da UNED. Da imaxinación á realidade: Obras emblemáticas da Enxeñería Civil.
De galaicos a galaicorromanos. A vida nos castros tras a implantación de Roma
A Estética do Desperdicio.
Alianzas para lograr os obxectivos: Acordo Schengen.
A Bohème: a arte que cambiou a arte
Prevención e detección de malos tratos en persoas con discapacidade, dependencia e gran dependencia.
Negocia como Harvard: Habilidades de negociación baseada en intereses comúns
Nos marxes da arte: grandes ilustradores da historia
Microsoft Power Point e Software para presentacións. Nivel básico
Martes da UNED. Vocacións STEM: Desafíos e oportunidades para a igualdade de xénero
A Terra sigillata e a súa chegada ao Noroeste peninsular
A violencia como forma de relacionarse en adolescentes. Unha aproximación á Violencia Filioparental e Violencia no Noivado
Xustiza Restaurativa. Mediación nos ámbitos Penal e Comunitario. Prácticas Restaurativas
Martes da UNED. As puntadas da arte: Historia do bordado
Inglés para viaxar polo mundo: de Heathrow á Sky Tower
A Constitución española para opositores
Martes da UNED. Egeria: Muller, Galaica e Romana
O talento únenos, os roteiros diferenciannos
aller LEGO: E eu Podo emprender? A motivación para o emprendemento
Explora Europa, conéctate co mundo e transforma o teu futuro a través dos proxectos Erasmus e CES
Segundas xornadas Impulsa o teu Futuro: emprego, prácticas, bolsas e emprendemento e algunhas experiencias con Intelixencia artificial
Taller LEGO: "De maior quero ser". Orientación para a procura de emprego
A Violencia de Xénero 20 anos despois. Tratamento Civil da Violencia de Xénero
A Historia da arte como achega á historia do traxe. Unha reciprocidade constante
Psicoloxía da adolescencia
Martes da UNED. Heroínas, narrativas e ficcións. De Peppa Pig a Wonder Woman
Trastorno do Espectro Autista: Comunicadores dinámicos e outras metodoloxías innovadoras para propiciar a inclusión
Lucus Augusti: investigación e patrimonio da urbe e do seu territorio
Martes da UNED. Esta Obra Sublime é o sinal dun Gran Rey: O Arsenal de Marina de Ferrol, obra mestra do século das luces
Como preparar con éxito os supostos prácticos en exames de oposicións
Pintando a parede: a arte para a sociedade
Preparación para o Exame de Certificación Oficial Trinity B1, B2 e C1 – 1ª edición
Martes da UNED. O botín da beleza: o sufrimento artístico durante as guerras europeas dos anos 30
Artabras e Galaicas. Historia das mulleres na protohistoria do Noroeste Ibérico
Martes da UNED. Que pasou coa historiografía no século XXI?

ANEXO.- ACTIVIDADES INCLUIDAS NO ORZAMENTO DE GASTOS

Actividade

Prácticas de Mediación

Tratamento penal do tráfico de drogas

Martes da UNED. NAZA: o soño creador

Martes da UNED. Que foi do ouro e a prata? Luces e sombras do Tesouro Americano

Xornada Internacional de traballo "Idade Media e Cinema"

Taller de prevención da ansiedade. Benestar integral e estratexias para desafíos académicos/sociais

A execución das penas no proceso penal

Xornada de traballo "Historiografía Medieval"

O teu móbil, a túa ferramenta: entende como funciona o teu smartphone

Xornada de Benvida ao Profesorado Titor do Centro UNED

Xornada de Benvida ao Alumnado. Presentación do Curso 2025-26 no noso centro

Coñece os recursos que che ofrece o SAEE: Emprego, Prácticas e Emprendemento.

Constrúe o teu perfil profesional desde o primeiro ano

Coñece a túa biblioteca (1ª edición)

Coñece a túa biblioteca (2ª edición)

Información sobre prácticas

Coñece aos teus representantes. Benvida e presentación da Delegación de estudantes

Autoliderazgo e toma de decisións brillantes

Intelixencia artificial en educación. ChatGPT e outros recursos para a inclusión dixital

Ciclo "Charlas para o teu futuro profesional"

Martes da UNED "10 imaxes que impactaron ao mundo" Análise dunha fotografía

Martes da UNED "A produción escrita de xéneros textuais para o turismo en inglés a través á app móbil RE-Write".

Martes da UNED "A cidade que foi. A Coruña arqueolóxica"

Martes da UNED "Arquitectura e perspectiva na obra gráfica de Miguelanxo Prado"

Martes da UNED "Arquitectura sostible en Galicia e Portugal"

Internet práctico e seguro. Descubre como buscar de forma eficiente, navegar sen riscos e comezar coa IA

Microsoft Excel e follas de cálculo. Nivel Básico

Microsoft Access e bases de datos. Nivel básico.

Informática básica para oposicións

Prevención da e depresión e do suicidio.

Exames sen tensións. Aprende a respirar.

Cibercriminalidade e proceso penal.

Delitos contra o patrimonio

Claves para aprobar unha oposición

Procedemento administrativo para opositores

Estratexias de intervención en comunidades superdiversas

O corpo do delito: fundamentos médico-forenses en investigación criminal

Recursos e ferramentas en liña para aprender inglés

Inglés para viaxar polo mundo: turismo sostible.

Preparación para o exame de certificación oficial de Trinity B1,B2,C1-2ª edición

Artista escríbese con A. Modelando a historia con mans de muller

A arte habitable: Historia do moble. Tipoloxía, correntes e estilo

O ollo e a cámara. Como mirar

Heroínas, narrativas e ficcións. De Medusa a Wonder Woman.

Unha base naval para o rei. Ferrol baixo a mirda da Monarquía (SS.XVI-XVIII)

As Tolas que non o eran: Psiquiatría e control social das mulleres na España contemporánea

Castros, pobos e cidades galáico-romanas

Iniciación á mediación. Teoría e práctica.

Mediación na o ámbito civil, mercantil e familiar.

Entre deuses e tumbas: arquitectura relixiosa e funeraria na prehistoria e o mundo antigo